

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 52. stav 1. tačka 2. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), a u vezi sa članom 3. i 8. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i članom 5. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije Bosne i Hercegovine“ broj 8/96 i „Službene novine Zeničko-dobojskog kantona“, broj: 2/05), na prijedlog sekretara za zakonodavstvo Vlade Zeničko-dobojskog kantona, Vlada Zeničko-dobojskog kantona, na 170. sjednici, održanoj 22.11.2018. godine, donosi

ZAKLJUČAK

o davanju saglasnosti na Pravilnik o izmjenama Pravilnika o unutrašnjoj organizaciji i sistematizaciji radnih mjesta Sekretarijata za zakonodavstvo Vlade Zeničko-dobojskog kantona

I.

Daje se saglasnost na Pravilnik o izmjenama Pravilnika o unutrašnjoj organizaciji i sistematizaciji radnih mjesta Sekretarijata za zakonodavstvo Vlade Zeničko-dobojskog kantona, broj: 03-34-14727/18 od 27.09.2018. godine.

II.

Zadužuje se sekretar za zakonodavstvo Vlade Zeničko-dobojskog kantona da ovjeri tri primjerka Pravilnika o izmjenama Pravilnika o unutrašnjoj organizaciji i sistematizaciji radnih mjesta Sekretarijata za zakonodavstvo Vlade Zeničko-dobojskog kantona iz tačka I. ovog zaključka, nakon čega će po jedan primjerak dostaviti Stručnoj službi Vlade Zeničko-dobojskog kantona i Ministarstvu za pravosuđe i upravu, a jedan primjerak ostaje Sekretarijatu.

III.

Zaključak stupa na snagu danom donošenja.

Broj: 02-_____ /18.

Datum, 22.11.2018. godine.

Z e n i c a

PREMIJER

Miralem Galijašević

DOSTAVLJENO:

1x Stručna služba Vlade Zeničko-dobojskog kantona,

1x Ministarstvo za pravosuđe i upravu,

1x Sekretarijat za zakonodavstvo,

1x a/a.

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) u vezi sa članom 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i člana 5. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije Bosne i Hercegovine“ broj 8/96) i („Službene novine Zeničko-dobojskog kantona“, broj: 2/05), Sekretar za zakonodavstvo, uz saglasnost Vlade Zeničko-dobojskog kantona, d o n o s i

P R A V I L N I K
o izmjenama Pravilnika o unutrašnjoj organizaciji i sistematizaciji radnih mjesta
Sekretarijata za zakonodavstvo Vlade
Zeničko-dobojskog kantona

Član 1.
(Izmjena člana 6.)

U Pravilniku o unutrašnjoj organizaciji i sistematizaciji radnih mjesta Sekretarijata za zakonodavstvo Zeničko-dobojskog kantona broj: 03-34-4197/12 od 23.02.2012. godine (u daljem tekstu: Pravilnik) u članu 6. stav (3) mijenja i glasi :

„(3) Posebni uslovi: VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 240 ECTS bodova), pravne i upravne struke, najmanje sedam godina radnog staža u struci nakon sticanja visokog obrazovanja, položen stručni upravni ispit ili ispit općeg znanja, poznavanje rada na računaru.”

Član 2.
(Izmjena člana 7.)

U članu 7. stav (3) mijenja i glasi :

„(3) Posebni uslovi: VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 240 ECTS bodova), pravne i upravne struke, najmanje tri godine radnog staža u struci nakon sticanja visokog obrazovanja, položen stručni upravni ispit ili ispit općeg znanja, poznavanje rada na računaru.”

Član 3.
(Izmjena člana 8.)

U članu 8. stav (3) mijenja i glasi :

„(3) Posebni uslovi: VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 180 ECTS bodova), pravne i upravne struke, najmanje jedna godine radnog staža u struci nakon sticanja visokog obrazovanja, položen stručni upravni ispit ili ispit općeg znanja, poznavanje rada na računaru.”

Član 4.
(Stupanje na snagu)

Ovaj pravilnik stupa na snagu danom davanja saglasnosti Vlade Kantona na isti.

Broj: 03-34-14727/18.
Datum, 27.09.2018. godine

SEKRETAR

Berjana Ačkar

Na ovaj Pravilnik data je saglasnost Vlade Zeničko-dobojskog kantona Zaključkom, broj: 02-34-_____/18 od _____.2018. godine.

SEKRETAR VLADE
po ovlaštenju

Haris Hrgić

Obrazloženje

Pravni osnov

za donošenje Pravilnikao o izmjenama Pravilnika o unutrašnjoj organizaciji Sekretarijata za zakonodavstvo sadržan je u članu 52. stav 1. tačka 2) Zakona o organizaciji organa uprave u Federaciji Bosne i Hercegovine («Službene novine Federacije Bosne i Hercegovine», broj: 35/05), članu 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i člana 5. Uredbe o Sekretarijatu za zakonodavstvo Zeničko-dobojskog kantona („Službene novine Federacije Bosne i Hercegovine“ broj 8/96) i („Službene novine Zeničko-dobojskog kantona“, broj: 2/05),

Razlozi za donošenje

Pravilnik o unutrašnjoj organizaciji i sistematizaciji radnih mjesta Sekretarijata za zakonodavstvo Vlade Zeničko-dobojskog kantona broj: 03-34-4197/12 donesen je 23.02.2012. godine, a na isti je Vlada Kantona dala saglasnost zaključkom broj 02-34-6501/12 od 15.03.2012. godine.

Izmjene i dopune Uredbe o poslovima osnovne djelatnosti iz nadležnosti orgtana državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa, nametnule su potrebu izmjena predmetnog Pravilnika u dijelu koji se odnosi na posebne uvjete za obavljanje normativno-pravnih poslova, za koja se pored pravne predviđa i upravna struka, kao i prvi, drugi ili treći ciklusa Bolonjskog sistema studiranja koji se vrednuju sa najmanje 240 ECTS bodova), odnosno sa 180 ECTS bodova za radno mjesto stručnog saradnika.”

Finansijska sredstva

Predložene izmjene Pravilnika ne zahtjeva obezbjeđenje dodatnih finansijskih sredstava za plaće i naknade zaposlenih, jer se ne uvode nova radna mjesta, niti mjenja složenost postojećih koja bi imala za posljedicu uvećanje plaća.

SEKRETAR

Berjana Ačkar